



5115 Dudley Boulevard McClellan, California 95652

Chav Tswj Neeg Kawm Askiv Cov Kev Pabcuam
**Koog Tsevkawm Pawg Neeg Tawm Tswvyim rau Neeg Kawm Askiv
(DELAC) COV NTAWV TEEV TSEG**

Lub 4 Hlis Ntuj tim 6, 2017 | 8:45A.M. – 11:00 A.M. | D.O. Bay A Sycamore Room

Alberto Becerra, Tus Neeg Ua lub Luag Haujlwm ntawm Chav Tswj Neeg Kawm Askiv Cov Kev Pabcuam, tau los qheb Koog Tsevkawm Pawg Neeg Tawm Tswvyim rau Neeg Kawm Askiv (DELAC) lub rooj sibtham rau thaum 9:00 sawv ntxov. Mr. Becerra tau los mus tham txog cov ntshiab lus tseemceeb ntawm lub rooj sibtham.

Mr. Becerra tau pib lub rooj sibtham nqe lus hais txog CABE lub koomtxoos rooj sablaj uas yog tau muaj nyob lub nroog Anaheim thaum lub 3 Hlis Ntuj 31 – lub 4 Hlis Ntuj 1,2017.

Nyob rau ntawm cov neeg tuaj hnuv no yog cov niam txiv uas tau mus, thiab lawv tau nqa qee cov ntaubntawv ntawm cov kev cobqhia uas lawv tau mus mloog thiab kawm tau rov los tham txog nyob lub rooj sibtham no.

Mr. Villagomez tau los qhia tias lub koomtxoos ntawd muaj cov kev cobqhia rau cov niam txiv thiab muaj cov kev cai txhawb uas cov niam txiv muaj nyob rau hauv cov tsev kawmntawv. Nws tau pom txog tias qhov no tsis yog rau haivneeg Mev cov tsevneeg xwb, tiamsis yog rau txhua haivneeg tebchaws. Mr. Villagomez tau qhia tias txij li thaum txoj cai Prop. 58 tau dhau lawv [cov niam txiv] nyob tam sim no hais tau lus lawm thiab tsis muaj qhov xav tias tsam ho poob ntsejmuag los hais lus. Txuas ntxiv ntawm no, tsab cai nqa rov los ntau tshaj qub ntawm cov koomhaum ob hom lus (bilingual programs). Mrs. Villagomez uas yog ib tug neeg tau mus kuj tau los qhia txog ib qhov kev cobqhia uas muab cov twj rau cov xibfwb seb lawv ho yuav ua li cas los mus ua zoo tswj thiab yoog nrog cov menyuum kawmntawv uas yug nyob lwm lub tebchaws thiab rau ntawm cov menyuum cov hau kev kawm ntawv tau hauv kev kawmntawv li cas.

Mrs. Lopez tau tham txog ib qhov kev cobqhia uas nws tau mus uas yog muaj cov ntaubntawv qhia zoo thiab muaj txiaj ntsim zoo rau nws. Nws tau tham txog niam txiv cov twj kev qhuab ntuas cob qhia cov menyuum kawmntawv kom muaj qee cov kev coj zoo, thiab kom kuj los mus siv yam tsawg kawg ½ teev sijhawm toj ib hnuv los nyeem ntawv nrog peb cov menyuum.

Ms. Palma kuj tau sawv los mus thiab ua Twin Rivers tsaug rau txoj kev xav lawv mus rau lub koomtxoos rooj sablaj, thiab muaj kev zoo siab nco ntsoov qhov txiaj ntsig no. Nws kawm tau ntau heev; nws tau mus rau ntau cov kev cobqhia uas muaj thiab txawv thiab cov neeg hais lus tshwjxeeb tau tham txog ntau cov ntaubntawv zoo siv los rau peb cov menyuum kawmntawv. Qhov kev kawm thiab pom txog ntawm no yog ib qho uas zoo heev li.

Ms. Sepulveda, tau los muab lus hais ua tsaug tsis yog rau ntawm qhov tau mus CABE xwb, tiamsis kuj yog rau qhov uas muab los rau lawv lub hwjtsam mus ncig saib UC Davis, mus pom txog tias lub tsevkawm txheejsiab zoo li cas thiab ntawm dabtsi lawv thiaj li puab saib rau yav tom ntej rau lawv cov menyuum kawmntawv tuaj mus kawm.

Ms. Ponce uas yog lwm tus niam txiv kuj tau los muab lus hais ua tsaug thiab kuj tau tham txog daimntawv nthuav tawm cov ntaubntawv qhia txog CABE lub koomtxoos rooj sablaj loj tom ntej no uas yog yuav nyob rau lub xyoo tom ntej hauv Sacramento.

Mr. Becerra tau hais ua tsaug rau tasnrho cov niam txiv uas tau mus thiab vam tias tasnrho cov ntaubntawv no yuav coj rov qab los mus tham rau hauv lawv cov ELACs ntawm lawv cov tsevkawm thajchaw. Nws tau nug kom sawvdaws los mus nyob ua ntau pab pawg thiab los sib sablaj txog seb lawv ho pom dabtsi zoo ntawm lub Chav Tswj Neeg Kawm Askiv Cov Kev Pabcuam uas tau ua dhau los rau cov tsevkawm thajchaw. Tomqab ntawd, nws tau los

nug lawv raws rooj. Ib tug niam txiv tau hais tias cov laptops uas tau muab los rau cov menyuum, uas yog cov tsis paub lus Askiv, siv qhov Rosetta Stone software los kawm lus. Lwm lub rooj tau hais tias Imagine Learning thiab Riptide, thiab lwm lub rooj ntxiv ho hais tias cov chavkawm qhia Askiv rau cov niam txiv. Tomqab ntawd, nqe lus nug thib ob ho tau nug txog seb peb ho tseem tsuav dabtsi uas peb ua tau ntxiv rau cov tsevkawm thajchaw? Ib tug ntawm cov niam txiv tau nug kom muaj ntau tshaj no ntxiv ntawm them koog tsevkawm cov rooj sibtham uas muaj tasnrho txhua haivneeg cov niam txiv tuaj koom, muaj cov chavkawm ntau tshaj no ntxiv rau cov niam txiv tuaj kawm Askiv thiab muaj kev cobqhia ntau tshaj no ntxiv rau cov xibfwb tau ua haujlwm nrog cov menyuum kawmntawv uas nyuum qhuav tuaj tsis ntev ntawm lwm cov tebchaws, thiab lwm yam zoo sib xws. Mr. Becerra tau ua cov niam txiv tsaug rau lawv cov kev xav thiab tswvyim.

Lub ntsiab lus tom ntej yog hais txog Title III funds (cov pob nyiaj txiag) thiab cov kev txhawb yog dabtsi, Imagine Learning Program, Newcomer, NDI thiab lwm yam zoo sib xws, thiab nrog rau CAFE PD cov kev cobqhia tsim kho loj hlob rau cov niam txiv. Tomqab ntawd, peb cov TOSAs (Xibfwb Ua Cov Haujlwm Tshwjxeeb), Kiki thiab Tamara tau los tham txog lawv txoj hau kev tuaj mus thiab cobqhia cov xibfwb txog kev qhia zoo tshaj plaws ntawm EL Cov Tswvyim (high quality EL Strategies).

Mr. Tibbs, tus xibfwb uas tam sim no tab tom tsav tus phiajxwm qhia ntawv ntawm lub koomhaum iLit program nyob rau tom lub tsevkawm Rio Linda Preparatory. Kevin Haggin tau los muab ib qhov kev cobqhia rau cov niam txiv qhia txog tus phiajxwm qhia ntawv tshiab no. Nws tau los piav txog lub koomhaum txoj kev los mus txheeb tau cov menyuum kawmntawv qhov kev xav tau li cas, uas yog siv zoo tib yam rau peb cov menyuum kawmntawv uas paub ob hom lus. Nws muab rau peb pom cov phauntawv qhia ntawv uas yuav coj los siv rau hauv lub koomhaum thiab cov phauntawv kuj yuav raug txhais nyob 40 hom lus li cas. Nyob rau hauv, nws kuj muaj ib tshooj kev qhia rau cov neeg tuaj tshiab thiab. Nws muab rau peb pom cov haujlwm (assignments) uas cov menyuum yuav ua thiab cov kev qhia uas lawv yuav kawm, thiab nws tau los piav txhua yam txhij txhua txog lub koomhaum tshiab no thiab qhov kev zoo muaj txiaj ntsim npaum li cas rau cov menyuum kawmntawv. Pom zoo li cov niam txiv muaj kev txaus siab thiab lawv tau los nug seb tasnrho cov tsev kawmntawv puas yuav tau cov phauntawv no? Nyob tam sim no, tsuas yog rau tsevkawm them ob xwb. Peb tau nug kom cov niam txiv sau lawv cov kev xav thiab tswvyim rau ib daimntawv, thiab peb tau los mus sau khaws cia cov ntaubntawv no lawm.

Martha Flores, tug neeg nyob rau hauv chav tswj Niam Txiv Kev Koomtes, tau los tham txog Niam Txiv Kev Koomtes Tsab Cai (Parent Involvement Policy) #BP 6020. Tsab cai no, nws tab tom raug xa tawm tuaj mus rau tasnrho cov niam txiv lawm, thiab tau los piav qhia txog qhov chaw twg thiaj li yuav nrhiav tau nyob rau hauv peb daim nplooj ntawv nyob online. Tsab cai no, ho yog hais txog dabtsi thiab ho yuav muaj txiaj ntsim zoo rau koj thiab koj cov menyuum li cas, ho yuav los ua li cas kom tau niam txiv tuaj koom, thiab lwm yam zoo sib xws. [Mrs. Flores] tau hais kom lawv sau rau hauv cov daimntawv lo lawv cov tswvyim thiab cov kev xav kom pom muaj los mus rau hauv lawv cov tsevkawm thajchaw.

Lub rooj sibtham tomqab ntawd tau xaus lawm.